

Timore mentem plebs vitiosior?
 Quæ non sacratæ jura legis
 Sacrilego temeravit ausu?
 Exuberantis diluvium meri
 Ædes inundat, fluminibus natat
 Fusi pavementum Lyæi,
 Mensque cado tumulata languet.
 Quin ire pleno flagitium die
 Tentat, superbam nititur insolens
 Efferre cervicem, palamque
 Per medias equitare iniquo
 Urbes triumpho: namque reconditam
 Infecta pestem, pectora liberas
 Ponunt in auras, omne cœco.
 In scelus exstimulante multo.
 Crudeliōres scilicet impotens
 Attollit ausus ira, flagrantibus
 Libido flammis prodit, atrum
 Invidia evomit ore virus;
 Promitque inanes, vana superbia
 Fastus; & inter dedecores jocos
 Acram repentino laceffit
 Ebria turba furore pugnam.
 Frustrâ potentis viribus eloqui,
 Christi Prophetæ, festa nefaria
 Damnatis; usque insana Bacchi
 Vis rapuit rapietque gentes;
 Colet scelestis semper honoribus
 Cohors furentem sordida Liberum,
 Illicque festo criminosos
 Instituēt redeunte lusus.



Quadragesima.

Quis turbulenti liberioribus
 Bacchi remotis denique poculis,
 Mensæque depulsis opimæ
 Deliciis nimioque lusu,
 Vos ô! beati restituit dies,
 Dies salutis, tempora sobriæ
 Amata virtuti, gravi que
 Immodicæ domitura fræne